

SAN MARTIN Y LUNGIARÜ

Diozeja: Ai 15 d'otober peia indò ia a Porsenú n curs por conduturs/ies dla Liturgia dla Parora; deplù informaziuns ciafèise sot a www.bz-bx.net/de/glauben-und-liturgie/liturgie/wort-gottes-feiern.

Por le curs de preparaziun ai Sacramènc organisé d'altonn dala Unité Pastoral informesse y anunziésse pro Annamaria F. 347 52 77 810 cina ala fin de jügn.

La Uniun dles Ères da S. Martin invieia adöm cun la Uniun dles Ères da Lungiarü dötes les ères sön munt a gosté la sabeda ai 11 de jügn, tla Ütia de Ciampcios a Lungiarü. I s'incuntun dales 7.15 ite dal parch di auti de Pares y jun ite adöm. Le cost é de 15 euro. Prenotésse cina ai 8 de jügn dales 12.00 tel. 339 31 15 679.

La Uniun di Seniors da San Martin y Antermèia organisèia en sabeda ai 11 de jügn na griliada a Longiarü. I s'incuntun dales 10.00 sön plaza de dljia a Lungiarü por spaziré adöm cina sò Mesamunt. Ara vá ince da se lascé mené sò sce zacai ne foss nia bugn da jí a pe. Präibel prenotesse cina ai 9 de jügn pro Alfred Ploner 333 36 54 786. Le cost é de 10 euro porom; sc'al foss bur tēmp, vėgn la griliada spostada al mēis de setēمبر. Gnide tröc!

SAN MARTIN

Por la Domēnia dles Families ai 12 de jügn - Festa dla Trinité é dötes les families bel inviadés ala Gran Mēssa.

LUNGIARÜ

En mertesc, ai 07 de jügn, vėgnel lavé la dljia y an präia do tröpes mans. Nia ma ères, mo ince èi é peria da gní a dé na man. Plü porsonses ch'al é y plü ortü ch'an à. N präitambel y damperfora n dilan fort!

En domēnia, ai 12 de jügn, vėgnel tigni a livel dla diozeja la "Domēnia dla Famiglia". I orun ince nos invie dötes les families tó pert ala Santa Mēssa che é dedica-
da ales families.

I Seniors da Lungiarü é bel invia da jí a trá ala scēiba, en jöbia, ai 09 de jügn, dales 16.00 a San Laurēnz tla stlopetara (ciasa dla "Versteigerung").
Do avēi stlopeté ciafunse da cēna. La Uniun paia l'entrada, le mangé y bēre paia vignun instēs. I s'abinun por les 15.20 sön plaza dlungia le Sanví y jun cun nūsc auti. I ciarun de se mēte adöm y tó le manco auti ch'al é meso. Prenotaziun cina en mertesc, ai 06 de jügn, dales 20.00 pro la Renate, tel. 342 32 79 406.

Raiun Soziosanitar a Picolin - Portina assistēza y cura:

Orar nü dai 20 de jügn inant:

le lōnesc dales 14.00 ales 16.00 y la jöbia dales 10.00 ales 12.00 sön prenotaziun 0474 586123. I familiars che fej le guern ciafa chiló de vigni sort de informaziuns, consulēza y aiüt por domandes do le contribut de guern (Pflegegeld), por la ciasa de palsa, por le sorvisc infermieristich, por le sorvisc de assistēza a ciasa, sura l'invalidité zivila, sura le imprest por scagns da rodes y let y i.i.



Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita


05.06. - 12.06.22 nr. 28

ultimo termo por comunicaziuns: jöbia, dales 20.00

PASCA DE MA - C

Vangele do Jan 20,19-23

La sēra dl pröm dé dl'edema, canche i discepuí â,
dala tēma dan dai iüdes, saré pro les portes, él gnü
Gejú, é jü amesa èi ite y ti à dit: Pēsc a os!
Do chēstes parores ti àl mostrè sües mans y so
costà. Dailó se ralegrâ i discepuí da odēi le Signur.
Gejú ti à ciamò n iade dit: Pēsc a os!
Sciöche le Pere m'â mené mè, insciö ves mēni
iö os. Do ch'al à albü dit chēsc, ti àl fladè ados
y ti à dit: Recioiede le Spirit Sant! A chi che os
ti lascēis do i picia, ti ési lascia do; y a chi che
os ne ti i lascēis nia do, ne ti ési nia lascia do.



*Le vangele do Jan nes cunta che, dui dis do che Gejú é gnü mazé söla crusc,
s'â i discepuí da sēra abiné y saré daite, döt sprigorá y plēgns de tēma,
do che valgōnes ères ti â dit de avēi odü le Ressorí.*

*Ai é te na situaziun de agitaziun y de confujiun
y ci che les ères savò da cunté parò che ne sciafiass nia da ester vēi.
Gejú vėgn ite dala porta sarada y mostra sües plaies; al é propi él!*

Bel plan se moscēdel danterite ligrēza.

Gejú ortiēia fora i discepuí; chēsta misciun ó dí:

Fora cun os, zedede da ves saré daite y da rodé ma incēr os instēsc.

Y spo baia Gejú de pordenanza y dla desponibilité da pordené i picia.

*Te chēsta situaziun é Gejú, ferí y ressorí, che ti porta süa pesc y so spirit;
nia pormó canche döt é tler y da capí,*

mo pornanche i cōrs é arjigná da se lascé reconzilié y da se daurí.

*En chēsta Festa dl Spirit Sant me deuri cun reconescēza a Chēl Bel Dì
che ó tres indò, ince te mia vita sprigorada y caotica,
me scinché süa pesc y so Spirit Sant.*

image

EDEMA	SAN MARTIN	LUNGIARÜ	
05.06.22 PASCA DE MA - C	9.30 Mëssa solëna por la Comunité de rengraziamënt al Spirit Sant 18.00 Ora d'adoraziun al Spirit Sant	7.50 Adoraziun - 1^a pert 8.15 Mëssa solëna por la Comunité dedô Adoraziun - 2 ^a pert 15.00 Corona tla capela de S.Ojöp Fr.	 Ví, Spirit Sant, a fâ dôt nû, cun forza ví a nes implí, cun tûa parora y to fle ví a cherié y renové. Consoladú, ví jô dal alt y dlungia stái a chi ch'ê stanc; raiëia fora löm y fûch ch'i dá ai debli slöm danü. Ortié da Dî onipotënt cun gran sciosciüre y n dër vënt, ch'i ströms se mêtes a baié y aldes duc la verité. Inflama cör y sentiment y dôt nosc fá tl amur rovënn; bëgn debl é nosc corp y sanch d'arjunje ci ch'ê bun y sant. Ví, Spirit, tëgn le mal dalunc y fâ varëi la pesc indlunch; condüjesse por le dër tru y fâsse crësce tla virtú. Tl amur de Crist le Fi de Dî nes oste lié al Per' dl cil; dla vita che i un da te dilan y lalt tl'eternité.
06.06.22 LÖNESC DE PASCA DE MA <i>Maria Uma dla Dlijia, Norbert</i>	9.00 Ora d'adoraziun 9.30 Gran Mëssa por la Comunité en onú de Santa Maria Uma dla Dlijia en onú de San Germano por n bun isté + Iarone Rubatscher	7.50 Corona 8.15 Gran Mëssa por la Comunité en onú de Santa Maria Uma dla Dlijia + + + Sabina, Oliva y Franz Clara 15.00 Corona tla capela de S.Ojöp Fr.	
07.06.22 Dedolönesc <i>Robert, Amadio</i>	19.00 Mëssa + + Sepl y Regina Clement + + Serafin y Emma Frenner + + Paul y Pire Unterweger		
08.06.22 Dedemesaledema <i>Helga, Engelbert, Medard</i>		7.30 Mëssa + Burgl Schanung por les Püres Animes	
09.06.22 Jöbia <i>Efrem, Colomba</i>	7.30 Mëssa dl ann + Sepl Trebo, Pension Tor + + + Maria Alfreider, Malia y Rita Zingerle + siur Bertrand y Paula Vollmann Corona por vocaziuns		
10.06.22 Vëndres <i>Heinrich da Balsan, Diana</i>	18.30 Adoraziun chita 19.00 Adoraziun deboriada	7.30 Mëssa +Emilia Frenes (dla Uniun) + + de Paul y Oliva Clara	
11.06.22 Sabeda <i>Barnaba apostul, Paula, Alice</i>	20.00 Mëssa prefestia dl ann + Maria Baldissera + Angelina Vanzi Baldissera + + Maria y Otto Erlacher	18.30 Mëssa prefestia de rengr. fam. Valerio Clara dl ann + Maria Daporta, Grones dl ann + Giovanni Campeï	
12.06.22 DOMËNIA DLA TRINITÉ <i>Domënia dla Familia</i>	9.00 Corona 9.30 Gran Mëssa <i>por y cun les families (siur Klaus)</i> fam. Hubert y Emma Prousch y + Hilda dl ann + Rosalia Chizzali Ploner	7.50 Corona 8.15 Gran Mëssa <i>por y cun les families (siur Klaus)</i> 15.00 Corona tla capela de S.Ojöp Fr.	